

«Մատուցվող խնամքի ծառայությունները՝ պետական վկայագրի միջոցով» ՀՀ կառավարության որոշման նախագիծ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

« » 2019 թվականի N -Ն

**ԿՅԱՆՔԻ ԴԺՎԱՐԻՆ ԻՐԱՎԻՃԱԿՈՒՄ ՀԱՅՏՆՎԱԾ ԵՐԵՒԱՆԵՐԻՆ, ՏԱՐԵՑՆԵՐԻՆ ԵՎ
ՀԱՇՄԱՆԴԱՄՈՒԹՅՈՒՆ ՈՒՆԵՑՈՂ ԱՆՁԱՆՑ ՄԱՏՈՒՑՎՈՂ ԽՆԱՄՔԻ
ԾԱՌԱՅՈՒԹՅՈՒՆՆԵՐԸ ՊԵՏԱԿԱՆ ՎԿԱՅԱԳՐԻ ՄԻՋՈՑՈՎ ՏՐԱՄԱԴՐԵԼՈՒ ԿԱՐԳԸ,
ՎԿԱՅԱԳՐԻ ԳԻՆԸ, ՊԵՏԱԿԱՆ ՎԿԱՅԱԳՐԻ ՁԵՎԸ ՀԱՍՏԱՏԵԼՈՒ ՄԱՍԻՆ**

Մատուցվող խնամքի ծառայությունները՝ պետական վկայագրի միջոցով

Հիմք ընդունելով «Սոցիալական աջակցության մասին» Հայաստանի
Հանրապետության օրենքի 13-րդ հոդվածի 12-րդ մասը և 8-րդ հոդվածի 5-րդ
մասը՝

Հայաստանի Հանրապետության կառավարությունը որոշում է.

1. Հաստատել՝

1) Կյանքի դժվարին իրավիճակում հայտնված երեխաներին, տարեցներին
և հաշմանդամություն ունեցող անձանց մատուցվող խնամքի
ծառայությունները պետական վկայագրի միջոցով տրամադրելու կարգը՝
համաձայն N 1 հավելվածի.

2) Պետական վկայագրերի ձևը՝ համաձայն N 2 հավելվածի:

2. Պետական վկայագրի գինը սահմանվում է ՀՀ պետական բյուջեով
համապատասխան ծառայության համար՝ երեխաներին, տարեցներին
և հաշմանդամություն ունեցող անձանց խնամքի ծառայություններ
տրամադրելու նպատակով, մեկ անձի հաշվարկով նախատեսված
գումարի չափով:

3. Սահմանել, որ՝ պետական վկայագիրը ֆինանսական, որոշակի
վավերապայմաններով և ձևով փաստաթուղթ է, կազմակերպության
կողմից մատուցված ծառայության դիմաց պետության կողմից

- ֆինանսական փոխհատուցման հիմք, որն ունի որոշակի գին:
4. Հայաստանի Հանրապետության աշխատանքի և սոցիալական հարցերի նախարարին՝ մինչև 2020 թվականի նոյեմբերի 1-ը Հայաստանի Հանրապետության ֆինանսների նախարարություն ներկայացնել 2020 թվականի ընթացքում պետական վկայագրերի միջոցով երեխաներին, տարեցներին և հաշմանդամություն ունեցող անձանց խնամքի ծառայությունների տրամադրման փորձնական ծրագիրը՝ համապատասխան հաշվարկներով:
 5. Հայաստանի Հանրապետության ֆինանսների նախարարին՝ Հայաստանի Հանրապետության աշխատանքի և սոցիալական հարցերի նախարարի կողմից մինչև 2020 թվականի նոյեմբերի 1-ը ներկայացված փորձնական ծրագրի հիման վրա Հայաստանի Հանրապետության կառավարություն ներկայացնել առաջարկություն Հայաստանի Հանրապետության 2020 թվականի պետական բյուջեում համապատասխան վերաբաշխում կատարելու վերաբերյալ:
 6. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

Հավելված N 1

ՀՀ կառավարության 2019 թվականի

_____ -ի N ____ -Ն որոշման

ԿԱՐԳ

**ԿՅԱՆՔԻ ԴԺՎԱՐԻՆ ԻՐԱՎԻՃԱԿՈՒՄ ՀԱՅՏՆՎԱԾ ԵՐԵԽԱՆԵՐԻՆ, ՏԱՐԵՑՆԵՐԻՆ
ԵՎ ՀԱՇՄԱՆԴԱՄՈՒԹՅՈՒՆ ՈՒՆԵՑՈՂ ԱՆՁԱՆՑ ՄԱՏՈՒՑՎՈՂ ԽՆԱՄՔԻ
ԾԱՌԱՅՈՒԹՅՈՒՆՆԵՐԸ ՊԵՏԱԿԱՆ ՎԿԱՅԱԳՐԻ ՄԻՋՈՑՈՎ ՏՐԱՄԱԴՐԵԼՈՒ**

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կարգավորվում են Հայաստանի Հանրապետության պետական բյուջեով վկայագիր տրամադրելու միջոցով՝ կյանքի դժվարին իրավիճակում հայտնված երեխաներին, տարեցներին և հաշմանդամություն ունեցող անձանց (այսուհետ՝ շահառու) համար խնամքի ծառայություններ տրամադրելու հետ կապված հարաբերությունները:
2. Յուրաքանչյուր շահառուի՝ իր գնահատված կարիքին համապատասխան, տրամադրվում է մեկ պետական վկայագիր:
3. Պետական վկայագրի հիման վրա շահառուին խնամքի ծառայությունները տրամադրվում են ՀՀ կառավարության 2015 թվականի սեպտեմբերի 10-ի N 1078-Ն որոշման համաձայն հավաստագրված՝ սոցիալական ծառայություններ տրամադրող կազմակերպությունների (այսուհետ՝ կազմակերպություն) կողմից՝ անկախ կազմակերպական-իրավական ձևից:
4. Պետական վկայագրի հիման վրա կազմակերպությունը տրամադրում է խնամք Հայաստանի Հանրապետության կառավարության 2015 թվականի սեպտեմբերի 25-ի N 1112-Ն որոշմամբ (այսուհետ՝ Որոշում)

սահմանված կարգով:

5. Պետական վկայագիրը տրամադրվում է Հայաստանի Հանրապետության աշխատանքի և սոցիալական հարցերի նախարարության (այսուհետ՝ նախարարություն) կողմից՝ Հայաստանի Հանրապետության պետական բյուջեով նախատեսված միջոցների շրջանակներում:

1. ՊԵՏԱԿԱՆ ՎԿԱՅԱԳՐԻ ՍՏԱՆԱԼՈՒ ՀԱՄԱՐ ԴԻՄԵԼՈՒ ԿԱՐԳԸ

6. Պետական վկայագրի միջոցով ծառայությունն ստանալը ընտրում է շահառուն:
7. Շահառուն կամ նրա օրինական ներկայացուցիչը կամ ինամակալության մարմինը ինամքի ծառայությունից օգտվելու նպատակով պետական վկայագիր ստանալու համար առձեռն կամ փոստային կապի միջոցով կամ առցանց (Էլեկտրոնային) եղանակով դիմում է՝

1) երեխաներին շուրջօրյա ինամք տրամադրելու դեպքերում՝ նախարարություն, որը պետական վկայագիրը տրամադրում է ՀՀ մարզպետարանի (Երևանի քաղաքապետարանի) կողմից տրված՝ երեխային շուրջօրյա ինամք տրամադրելու վերաբերյալ եզրակացության հիման վրա.

2) երեխաներին ցերեկային ինամք տրամադրելու դեպքերում՝ սոցիալական աջակցության տարածքային մարմին (այսուհետ՝ ՍԱՏՄ).

3) տարեցներին և հաշմանդամություն ունեցող անձանց ինամք (շուրջօրյա, տնային պայմաններում և ՍԱՏՄ) տրամադրելու դեպքերում՝ սոցիալական աջակցության տարածքային մարմին:

8. Շահառուի դիմումը՝ 2015 թվականի սեպտեմբերի 25-ի N 1112-Ն որոշմամբ սահմանված կարգով, սույն կարգի 8-րդ կետում նշված կից փաստաթղթերը ստանալուց հետո ՍԱՏՄ-ն կամ ՀՀ մարզպետարանի (Երևանի քաղաքապետարանի) համապատասխան բաժինը սույն որոշմամբ սահմանված կարգով կազմակերպում է ինամքի տրամադրման գործընթացը՝ շահառուին տրամադրելով պետական վկայագիր:

III. ՊԵՏԱԿԱՆ ՎԿԱՅԱԳՐԻ ՄԻՋՈՑՈՎ ՇԱՀԱՌՈՒՆԵՐԻՆ ԽՆԱՄՔԻ ԾԱՌԱՅՈՒԹՅՈՒՆՆԵՐ ՏՐԱՄԱԴՐՈՂ ԿԱԶՄԱԿԵՐՊՈՒԹՅՈՒՆՆԵՐԻ ԳՐԱՆՑՄԱՆ ԵՎ ՆՐԱՆՑ ՀԵՏ ՊԱՅՄԱՆԱԳՐԻ ԿՆՔՈՒՄԸ

9. Հիմք ընդունելով տվյալ սոցիալական ծառայությունն տրամադրելու գործունեությունը լիազորված պետական մարմնում՝ Հայաստանի Հանրապետության կառավարության 2015 թվականի սեպտեմբերի 10-ի N 1078-Ն որոշմամբ սահմանված կարգով հավաստագրված կազմակերպության դիմումը նախարարությունը հինգ աշխատանքային օրվա ընթացքում կազմակերպության հետ կնքում է պայմանագիր վկայագրով համապատասխան ծառայությունները տրամադրելու վերաբերյալ:
10. Կազմակերպության հետ պայմանագիր կնքելուց հետո տվյալ

կազմակերպությունը գրանցվում է պետական վկայագրով ծառայություններ տրամադրող կազմակերպությունների ցանկում (այսուհետ՝ ցանկ), որը հրապարակվում է նախարարության պաշտոնական էլեկտրոնային կայքէջի գլխավոր էջում: Կազմակերպությունների ցանկը կարող է փոփոխվել կնքված պայմանագրերը խզելու կամ նոր կազմակերպություններ ցանկում ընդգրկելու դեպքում: Ցանկում ներառված կազմակերպությունը ցանկացած ժամանակ կարող է դուրս գալ ցանկից՝ իր դիմումի համաձայն կամ պայմանագիրը լուծվելու դեպքում:

ՊԵՏԱԿԱՆ ՎԿԱՅԱԳՐԻ ՄԻՋՈՑՈՎ ԽՆԱՄՔԻ ՏՐԱՄԱԴՐՈՒՄԸ

1. Պետական վկայագրի հետ մեկտեղ շահառուին տրամադրվում է սույն կարգի 11-րդ կետում նշված ցանկը:
2. Յուրաքանչյուր ամսվա ավարտից հետո մինչև հաջորդող ամսվա 10-ը, տրամադրված ծառայությունների դիմաց վճարում կատարելու նպատակով, կազմակերպությունը նախարարություն է ներկայացնում հաշվետվություն, որում ներառված են տվյալներ տրամադրված ծառայության և տվյալ ծառայությունից օգտված անձանց անձնական տվյալների վերաբերյալ, կազմակերպության և շահառուի միջև կնքված հանձնման-ընդունման արձանագրությունը, վկայագրի հիման վրա տրամադրված ծառայության կատարողականը:
3. Պետական վկայագրի հիման վրա տրամադրված ծառայության դիմաց վճարումն իրականացվում է սույն կարգի 8-րդ կետով սահմանված փաստաթղթերն ստանալուց հետո հնգօրյա ժամկետում՝ յուրաքանչյուր տարվա Հայաստանի Հանրապետության պետական բյուջեով նախատեսված և տարեկան հատկացումների կատարման եռամսյակային համամասնություններով նախատեսված միջոցների շրջանակներում:
4. Շահառուն ստանալով պետական վկայագիր, տրամադրված ցանկից ընտրում է իրեն անհրաժեշտ ծառայություն մատուցող կազմակերպությունը և ներկայանում համապատասխան ծառայություն ստանալու համար:
5. Կազմակերպությունը որոշմամբ սահմանված կարգով իրականացնում է խնամքի համապատասխան ծառայության տրամադրումը:

Հավելված N 2

ՀՀ կառավարության 2019 թվականի

_____ -ի N _____ -Ն որոշման

ՁԵՎ

ԽՆԱՄՔԻ ԾԱՌԱՅՈՒԹՅՈՒՆ ՏՐԱՄԱԴՐԵԼՈՒ ՊԵՏԱԿԱՆ ՎԿԱՅԱԳՐԻ

Կտրոն

Վկայագրի համարը _____

1. Շահառուի անունը, ազգանունը, հայրանունը

2. Ծննդյան տարեթիվը, ամիսը, ամսաթիվը

3. Անձնագրի (ծննդյան վկայականի) տվյալները

(անվանումը, սերիան, համարը, երբ և ում կողմից է տրվել)

4. Խնամքի ծառայության տեսակը

5. Վկայագրի գինը

6. Տրամադրման ամսաթիվը

7. Շահառուի կարգավիճակը

8. Վկայագիրը տրամադրողի անունը, ազգանունը, ստորագրությունը

Սույն վկայագիրն ուժի մեջ է մինչև՝

_____ 20____թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԱԽԱՐԱՐՈՒԹՅՈՒՆ

ԽՆԱՄՔԻ ԾԱՌԱՅՈՒԹՅՈՒՆՆԵՐ

N _____

1. Շահառուի անունը, ազգանունը

2. Ծննդյան տարեթիվը, ամիսը, ամսաթիվը

3. Անձնագրի (ծննդյան վկայականի) տվյալները

(անվանումը, սերիան, համարը, երբ և ում կողմից է տրվել)

4. Խնամքի ծառայության տեսակը

5. Վկայագրի գինը _____

6. Տրամադրման ամսաթիվը _____

7. Շահառուի կարգավիճակը _____

8. Վկայագիրը տրամադրողի անունը, ազգանունը, ստորագրությունը

Սույն վկայագիրն ուժի մեջ է մինչև՝

_____ 20____թ.

Սույն վկայագիրը շահառուի կողմից ստորագրվել է
